

17. april 2015

UPA2015/7

# ***Ilanngussaq G***

UPA2015/7

J.nr. 01.31.11-00014



## **Naalakkersuisut siulittaasuat**

Ulloq: 13. april 2015

J.nr.: 01.31.11-00014

### **Aningaasaqarnermut Akileraartarnermullu Ataatsimiititaliamit sisamangornermi ulloq 16. april 2015, nal. 11.45 ataatsimiittarfik 1-imi siunersiorneqarnissamut aggeqqusissut.**

2015-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Naalakkersuisut siulittaasuat Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UPA 2015/7).

#### **Aningaasaqarnermut Ataatsimiititaliap oqaaseqaatai apeqqutaalu:**

Aningaasaqarnermut Ataatsimiititaliap 2015-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassionneqarput. Ataatsimiititaliap 18. marts 2015-imi apeqqutaanut Naalakkersuisut akissutaasa Aningaasaqarnermut Ataatsimiititaliamit misissorneqarnerat apeqqutitut pingaarnertut tunngavigineqarpoq.

Tassunga atatillugu apeqqutit makku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 18. marts apeqqutaanut normulionneqartut assigaat.

#### 5.5 Konto pingaarneq 10.13.10 Iluanaarutit, aktianit piginneqataaffinniit piginneqataasutit tunisinerillu

Grønlandbankenimi aktiaatinik tuniseqqinnikkut sillimmatit atugassanngortinneqarnissaat Naalakkersuisunit eqqarsaatigineqarpoq. Grønlandbankenimi aktiaatinik tunisineq siunissami ungasinnerusumi aningaasaqarnikkut qanoq iluaqutissarsiffiusussatut Naalakkersuisunit isigineqarpa?

#### 5.6 Konto pingaarneq 10.13.11 Aktiaateqarluni ingerlatseqatigiiffinnut toqqaannartumik aningaasartuutit

NUNAOIL-imi siunissami aningaasartuutitut akissarsiaqartitsinermullu tunngasut Naalakkersuisut ataatsimiititaliap apeqqutaanut akissutiminni sukumiingaatsiartumik nassuiaatigaat. Tamanna naalakkersuinikkut akulitunnginnissamik tunngaveqarnermut tamakkiisumik naapertuuttutut Naalakkersuisut isigaat?


Naalakkersuisumik siunersiuinermini allanik aamma apeqquteqarnissani ataatsimiititaliap naatsorsuutigaa.

-----

Ataatsimiititaliap Naalackersuisumik siunersiuinerata Naalackersuisup ataatsimiititaliallu akornanni pingaarnersiulluni tulleriarinerit anguniakkallu pillugit naalackersuinermit tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalackersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalackersuisumik siunersiuinerata kinguninngua uunga nassinneqarnissaa qinnutigineqarpoq: [saam@ina.gl](mailto:saam@ina.gl). Allakkiap ataatsimiititaliap Naalackersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalackersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuullaqqusillunga



Jens Immanuelson  
Ataatsimiititaliap siulittaasua



Aningaasaqarnermut Akileraartarnermullu Ataatsimiititaliaq  
Inatsisartut Allattoqarfiat  
-/maani

**Kontut pingaarnert 10.13.10 aamma 10.13.11 pillugit siunersioqatigiinnissamut  
atatillugu apqqutinut akissuteqaat**

15-04-2015  
Sags nr. 2015-113697  
Dok. nr. 1926586

Aningaasaqarnermut Akileraartarnermullu Ataatsimiititaliamut.

2015-imi Aningaasanut Inatsisissatut siunnersuut (UPA2015/17) pillugu Inatsisartut  
suleriaasianni § 19 naapertorlugu Naalakkersuisut Siulittaasuut  
siunersioqatigiinnissamut ataatsimiititaliap aggersarpaa.

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Apeqqutit matuma kingulianiittut siunersioqatigiinnerup nalaani oqaluinnarluni  
sammineqarnerat naapertorlugu allaganngorlugu akissuteqarfigineqarput.

**5.5 Konto pingarneq 10.13.10 luanaarutit, aktianik piginneqatigiiffinnit  
piginneqataassutit tunisineriliu**

**Apeqqut: Grønlandbankenimi aktiaatinik tuniseqqinnikkut sillimmatit  
atugassanngortinneqarnissaat Naalakkersuisunit eqqarsaatigineqarpoq.  
Grønlandbankenimi aktiaatinik tunisineq siunissami ungasinnerusumi  
aningaasaqarnikkut qanoq iluaqutissarsiffiusussat Naalakkersuisunit  
isigineqarpa?**

Namminersorlutik Oqartussat annertuutigit naalagaaffimmi atuuffinnut naapertuuttumik  
inuaqatigiinni inissisimanerminni, pingaarnertigit inuussutissarsiornermi  
toqqaannartumik pisortat suliaqarnissaasa pinngitsoortinnissaa siunnerfigisariaqaraat,  
Naalakkersuisut tunngaviatigit aallaavigaat. Tamanna pingaartumik suliaasaqarfinni  
imminut nammassinnaasumik aammalu Namminersorlutik Oqartussat najuunnissaat  
pisariaqartinnagu namminersortunit ingerlatsivigineqartunut atuuppoq.

Inuussutissarsiornermi imminut nammassinnaasunut ingerlalluartunilu pisortat  
toqqaannartumik peqataannginnissaat, inuussutissarsiornermi  
unammilleqatigiinnissamut siuariartortitsinissamullu periarfissanut iluaqutaasutut  
ataatsimut isigalugu isigineqartarpoq. Soorlu assersuutigalugu Namminersorlutik  
Oqartussat Grønlandsbanken-imi aktiaataannut, aktiaatit tamarmiusut 8,4 %-iisa  
missaannik annertussuseqartunut tunngatillugu pisumi piginneqataaneq,  
inuussutissarsiornermi pisortat toqqaannartumik peqataanerattut uanga isigaara.

Isumaqaarpunga Namminersorlutik Oqartussat Grønlandsbanken-imi piginneqataanerat  
isumaliutersuutigineqaqqinnissaanut piffissanngortoq, pissutigerpiarlugu  
Namminersorlutik Oqartussat aktiaatillit akornanniinnissaat pisariaqarunnaarmat.  
Iisimaneqartutut Grønlandsbanken ullumikkut pappiaqqatut naliliuttut  
akisoorujussuuvoq patajaatsuullunilu, tamatumalu kingunerisaanik tamanna aamma  
pissutigalugu innuttaasunit, aningaasaliisartunit suliffeqarfinnillu allanit

ingerlatseqatigiiffiup aktiaatinik niuerutiginninneranut tunngatillugu annertoorujussuarnik soqutiginnittoqarluni. Aktiat København-imi Fondsbørsen-imi soqutiginnittunit tamaginnit killilersorneqanngitsumik niuerutigineqarsinnaapput niuerutigineqarlutillu.

Grønlandsbankimi aktiaatit pappiaqqatut nalilittut pitsaasuugaluartut aammalu ukiut ingerlaneranni taamatut Namminersorlutik Oqartussanut aktiaatilippassuarnullu allanut ernianik annertujaanik pissarsititsisimagaluartut, isumaga malillugu Namminersorlutik Oqartussat aningaaserivimmi aktiaateqartuuginnarnissaat pisariaqanngilaq. Inuussutissarsiornermut ingerlalluurtumut sapinngisamik pitsaanerpaamik killissalersuinissaq annertunerusumik aalluttariaqaraluarparput, taamaalluni inuussutissarsiorneq niuerfimmi atugassarititaasut nalinginnaasut tunngavigalugit ingerlasinnaassalluni ineriartortinneqarsinnaassallunilu.

#### **5.6 Hovedkonto 10.13.11 Aktiaateqarluni ingerlatseqatigiiffinnut toqqaannartumik aningaasartuutit**

**Apeqqut: NUNAOIL-imi siunissami aningaasartuutitut akissarsiaqartitsinermullu tunngasut Naalackersuisut ataatsimiititaliap apeqqaatanut akissutiminni sukumiingaatsiartumik nassuiaatigaat.**

**Tamanna naalackersuinikkut akuliutinnginnissamik tunngaveqarnermut tamakkiisumik naapertuuttut Naalackersuisut isigaat?**

Aallarniutigalugu apeqqut angerlugu akineqassaaq: Ingerlatseqatigiiffimmi 100 %-imik pigineqartumi aningaasarsiaqartitsinerup ilusaa pillugu isumaliutersuuteqarneq naalackersuinikkut akuliutinnginnissamik tunngaveqarnermut imminermini tulluarpog. Minnerunngitsumik ingerlatseqatigiiffiup aningaasartuutinik matussusiinissamut aallerfissaa pingaarneq tassaatillugu piginnittumit aningaasaliiffigineqarneq. Allatut oqaatigalugu inuiaqatigiit aningaasaataat ingerlatseqatigiiffimmi isertitanut aningaasaatinullu pingaarnertut aallerfiusartussaapput. Taamatut pisoqarnerani ingerlatseqatigiiffimmi piginnittuunitta ingerlatsivigineqarnerani ingerlatseqatigiiffimmi pissutsinut attuumassuteqartunut tamaginnut isummersortariaqarpugut, tassanilu ilaapput aningaasartuutit aamma aningaasarsiaqartitsinerup ilusai.

NunaOil A/S-imut tunngatillugu, isumarput malillugu ingerlatseqatigiiffimmi pisariaqanngitsumik naleqqutinngitsumillu akissarsiaqartitsineq qaffasissumik annertussuseqartoq, peqatigisaanillu isumarput malillugu ingerlatseqatigiiffiup aallussivigisaasa aatsitassanut politikkiimi pisortatigoortumik ingerlanneqartumi ilaasutut ingerlatseqatigiiffiup inissisimaneranut pingaarnertut naapertuutinngitsoq, Aningaasaqarnermut Akileraartarnermullu Ataatsimiititaliamut oqaaseqaatini takuneqarsinnaavoq.

Uanga isinnit isigalugu Naalackersuisut kisimiillutik piginnittutut eqeersimaartumik piginnittuunerminnik takutisinissaat, taamaallunilu siulersuisut oqaloqatigalugit taakkualu eqqarsaatigalugit, ingerlatseqatigiiffiup aningaasaqarnermi aalajangiussaasa ingerlatseqatigiiffiup aningaasaatinut tunngavissaannut, allatigullu inuiaqatigiinni ataatsimut isigalugu ineriartornermut naapertuunnissaannik qulakkeerinissaat akornutissaqanngilaq.

Inussiarnersumik inuulluaqqusillunga